

Naalakkersuit matumuuna saqqummiuppaat aaliangigassatut siunnersuut § 33 naapertorlugu Inatsisartunut oqaluuserisassanngorlugu:

Siunnersuut Inatsisartunut aaliangigassanngorlugu Namminersorlutik Oqartussat oqaaseqaataat Kunngikkormiunut inassuteqaat Kalaallit Nunaannut atuuttussanngorlugu Inatsimmit nr. 1251 18. December 2012-meersumit, Inatsit nr. 311 29. Marts 2014-meersumit kiisalu Inatsit nr. 752 25. Juni 2014-meersumit Inuup normuanik inatsimmut allannguutissat
(Aningaasaqarnermut Aatsitassanullu Naalakkersuisoq)

Siullermeerneqarnera

Tunngavilersuut

Siunnersuut sisamanik immikkoortortaqqarpoq:

1. Akimik killigititaasumik qaffaanikkut 53 kr.-imiit 75 kr.-imut kommunit Inuup normuanik paasisutissat tunniunneqaraangata akigititaat. Kiisalu malitsigitaanik ukiumoortumik akimik killiliinissaq kalaallit Nunaanni atuineq naapertorlugu Kalaallit Nunaanni Misissueqqissaartarfiup nalunaarusiaa tunngavigalugu
2. Peqqussusiortoqassasoq kommunit qanoq iliornikkut meeqqat Inuup normuinik nalunaarsuisarnissaq angajoqqaat avinnermikkut meeqqaminnik avitseqatigiillutik naligiimmik najugaqartitsinerminni periusissamik. Allanguutissap Inuup normuinik-inatsisip angajoqqaat akisussaaffiitut-inatsit naapertorlugu aqqissutaassaaq. Erseqqissaatigineqassaaq angajoqqaat akisussaaffii pillugit-inatsisaat Inatsisartut upernaamut 2015 ataatsimiinnissaannut suliarisassanngorlugu ilanngunneqarnikummat.
3. Periarfissaqassaaq nutaamik Inuup-normoqalernissaq qinnuteqartoqarneratigut inatsisitigut suaassutsimik ikaarsaartoqalersinnaaqullugu naak timitsigut suaassutsimik allannguisoqanngikkaluartoq.
4. Periarfissaqassaaq nutaamik Inuup-normoqalernissaq kinaassutsimik tilliffigitinnermi qinnuteqarnikkut.

Siunnersuut sisamanik pituttugaanngitsunik immikkoortortaqqarpoq kalaallisut inatsisiliani qallunaat inatsisaannut pineqartunut immikkoortortanut tulluarsagaalluni.

Ad 1. Siunertaavoq akiliisarnerup aningaasartuutaasullu imminnut naapertuunnerulernissaat.

Ad 2. Peqqussut imatut allannguuteqqarpoq, sapinngisamik angajoqqaat akisussaaffii pillugit-inatsisaata siunertarisaa malillugu pineqarluni angajoqqaat-najugaqarfiitut tunngasumik apeqqut.

Ad 3. Peqqussut periarfissiissaaq ataasiakkaat inatsisitigut suaassutsiminnik allannguisinnaanissamik qinnuteqarsinnaalissammata naak piumasarineqartut nakorsarisap nassuiaatai ilanngussunngikkaluarlugit imaluunniit inatsisitigut sullinneqarnissaq

aqquasaanngikkaluarlugu kiisalu inuttut aqquasaariumaakkat suaassutsimik allannguinnikkut tamakkiisumik allanngortinnikkut suliaritinninnermi kiisalu navianaatilimmik kinguneqarsinnaasumik suliaritinnissaq pitinnagu inatsisitigut allannguisinnaalernissaq.

Ad 4. Peqqussutip ataasiakkaat periarfississavai kinaassutsiminik tilliffigitinnermikkut nutaamik Inuup-normoqalernissamik. Piumasaqaataavorli Inuup-normua ilaatinneqassammat pineqartup kinaassusaanik atornerlunneqarsimanermi takussutissatut kiisalu innuttaasoq nammineerluni qisuariaateqarsimanissaa atornerluineq pinaveersaarniarlugu iliuuseqarsimanissaq soorlu akiitsoqarfimminut saaffiginnikkut, pinerluttaalisitsisunut nalunaaruteqarsimanissaq allallu.

Aningaasaqarnikkut kingunerisinnaasai

Ad 1. Akiligassap qaavatigut akimik (gebyr-imik) qaffaaneq kiisalu paasissutissanik Inuit allattorsimaffianit pissarsiniarnermi akimik killiliinerup kommunit periarfississavai aningaasartuutaasut matussuserneqarneri Inuit allattorsimaffianit paasissutissanik piniarnermi killigititaasoq tikillugu.

Ad 2. Naatsorsuutigineqanngilaq kommunit annerusumik aningaasartuuteqarnerunissaat Angajoqqaat akisussaanagerat-Inatsisip malitsigisaanik allannguinerit eqqaassanngikkaanni. Kommunit piumaffigineqassapput immikkut Inuit allattorsimaffiannik allaffeqalernissaat pineqartuni Angajoqqaat-najugaqarfiisa nalunaarsorneri allannguineri isumagineqartussat.

Ad 3. Aningaasatigut kinguneqassanngilaq. Allaffissorneq ingerlanneqassaaq Økonomi- og Indenrigsministeriet-mit.

Ad 4. Aningaasatigut kinguneqassanngilaq. Allaffissorneq ingerlanneqassaaq Økonomi- og Indenrigsministeriet-mit.

Aningaasatigut allaffissornikkullu namminersortutut inuussutissarsiateqartunut kingunerisinnaasai

Siunnersuut naatsorsuutigineqanngilaq malunnaatilimmik aningaasartuutaanerunissaa imaluunniit allaffissornikkut pitsaanngitsumik kinguneqarnissaa namminersortutut inuutissarsiateqartunut.

Aningaasatigut allaffissornikkullu innuttaasunut kingunerisinnaasai

Siunnersuutaasoq malunnaatilimmik aningaasartuutaassanngilaq imaluunniit allaffissornikkut innuttaasunut.

Ilanngussaq

- Missingiut Qitiusumik Inunnik Nalunaarsuiffik pillugu inatsisip (CPR pillugu inatsit) allanngortinneqarneranik inatsisit Kalaallit Nunaannut atuutilersinneqarnerannik peqqussut